

首卷

諸儒編集序例

通鑑綱目總錄

資治通鑑綱目


香溪馬雲淇藏



資治通鑑綱目序例



先正溫國司馬文正公受



詔編集資治通鑑既成又撮其精要之

語別為目錄三十卷并上之晚病本

書太詳目錄太簡更著舉要曆八十

卷以適厥中而未成也紹興初故侍

讀南陽胡文定公始復因公遺橐脩
成舉要補遺若干卷則其文愈約而
事愈備矣然往者得於其家而伏讀
之猶竊自病記識之弗彊不能有以
領其要而及其詳也故嘗過不自料
輒與同志因兩公四書別為義例增

損槩括以就此編蓋表歲以首年年

之上行外書某甲子遇甲字子字則
朱書以別之雖無事依舉要亦備歲年

而因年以著統凡正統之年歲下大書
非正統者兩行分注

大書以提要凡大書有正例有變例
正例如始終興廢災祥

沿革及號令征伐殺生除拜之大者
變例如不在此例而善可為法惡可

為戒者皆而分注以備言凡分注有
特書之也追原其始

者有遂言其終者有詳陳其事者有
備載其言者有因始終而見者有因
拜罷而見者有因事類而見者有因
家世而見者有溫公所立之言所取
之論有胡氏所收之說所著之評而
兩公所遺與夫近世大儒先生拆衷
之語今亦頗采以附於其間云使夫歲年之久近國

統之離合事辭之詳略議論之同異
通貫曉析如指諸掌名曰資治通鑑

綱目凡若干卷藏之中笥姑以私便
檢閱自備遺忘而已若兩公述作之
本意則有非區區所敢及者雖然歲
周於上而

天道明矣統正於下而人道定矣大綱
槩舉而監戒昭矣衆目畢張而幾微

著矣是則凡為致知格物之學者亦
 將慨然有感於斯而兩公之志或庶
 乎其可以默識矣因述其指意條例
 如此列於篇端以俟後之君子云乾
 道壬辰夏四月甲子新安朱熹謹書

資治通鑑綱目凡例目錄

統系

正統
僭國

列國
無統

篡賊
建國
不成君小國

歲年

名號

正統
篡賊

僭號

即位

建都
加號

起兵
傳位

改元

後唐石晉之間温
公舊例尤為顛錯

尊立

崩葬

陵廟
改葬

追尊

篡賊

廢徙

謂下廢上者其上
廢下自入廢點例

祭祀

郊祀

封禪

宗廟

雜祭祀

行幸

巡行

田獵

恩澤

制詔

更革

戒諭

遺詔

朝會

聘問

和好

游說

交質

封拜

選奉

賞賜

殊禮

徵聘

征伐

叛亂

借竊

夷狄

遣將

廢黜

后妃

太子

罷免

囚繫

流竄

人事

災祥

凡例目錄畢

資治通鑑綱目凡例

統系一

正統

列國

篡賊

建國

凡正統謂周

起篇首威烈王二十三年

秦起始皇二十六年漢

起高祖五年盡炎興元年年比用習鑿齒及程子說自晉

建安二十五年以後黜魏年而繫漢統與司馬氏異

起太康元年起隋大業十三年

唐起武德元年盡天祐四年

列國謂正統所封之國如周之秦晉齊楚燕魏韓趙

篡賊謂篡位于統而不及傳世者如漢后之類其隗囂

公孫述安史之屬又不得入此例

建國謂伏羲自王或相王者如秦之楚趙如漢之魏吳晉之漢趙諸

借國謂乘亂篡位或據土者

如燕二魏二秦成漢代諸涼

西秦夏之屬內二秦以上
為大國成漢以下為小國

無統謂周秦之間秦楚燕魏韓趙齊代秦漢之間楚漢

三大國凡四年漢晉之間魏凡十六年晉隋之間齊宋魏

北齊後周陳隋為大國凡一百七十年隋唐之間梁唐魏夏

北燕後梁為小國凡一百七十年隋唐之間梁唐魏夏

揚吳楚鄭北梁漢五代梁唐晉漢周為大國二蜀晉岐

東以上凡五年五代吳南漢吳越楚荆閩南唐殷北

漢為小國凡五十年不成君謂伏羲承統而不能成功者如劉

凡正統全用天子之制以臨四方書法多因舊文略如春

秋書周魯事事有相因者連書之篡賊事亦連書但每

加其諸國或臣或叛各以其制處之如漢自昭烈以後

事各冠以國號不連書

凡無統即為敵國彼此均敵無所抑揚書法多變舊文略

如春秋書他國事事各冠以國號不連書凡連書與否

從文勢之始即註云是為某國稱單于即註云是為西秦

凡諸國同時同號者後起者稱後至前國亡則後國去後

字而凡追稱前國處加前字

凡遠方小國繼後遷徙不能悉書因事乃見如仇池楊

凡言因事乃見者本條雖無

事而可參照前後者皆是

歲年二

凡歲不用歲陽名只用甲子依史記年表大書於橫行之上甲字子字別之以朱其餘皆墨

凡正統周自篇首秦漢晉隋唐自初并天下皆太書於橫

行之下朱書國號如云周秦漢晉隋唐謚號如周云威烈王秦云

皇帝世祖光武皇帝晉云世祖武皇帝君名如云午

隋云高祖文帝唐云高祖神堯皇帝即無所承故立此例後有年號周秦漢初未有如晉即云

即位在今年內者用之墨書某年如周云二十三年秦云二十六年漢云次年

以後但於行下墨書某年如威烈王云○自次年以後

舊本誤在後條朱註列國之下

○篇首周年之下朱註列國如云秦晉楚燕齊魏韓趙墨書謚爵如云

烈公之類惟三晉初為侯君名如止如當之某年所註

列國頗以興起先後為次而於新舊之間以圈隔之其

未又以圈隔下朱註總結統舊國若干新國若干凡若

干國次年以後唯元年註之如前法如燕僖公元年之

依例結之新○自墨註謚爵至凡若干國舊本誤在後

舊並如前結○條其不成君亦依正統已絕之例下惟

元年註之如前法一上舊本又有列國二字別為一

條今楷刪此二字依前後條之例增次年以後四字而

此屬於凡天子繼世則但於行下朱書謚號如安王二世皇帝之

後有被廢無謚者但曰帝某而不用後人所貶之爵以其非有天下之號也

○年號如漢建元之類墨書元年周則列國之元亦註其下次年以後如篇首

次年之法秦漢以後列國不復註

建國僭國之大者則於年下朱書國名謚號姓名如楚隱王

陳勝魏文帝曹丕之類年號如魏黃初之類墨註元年次年以

後則朱註國名墨註年號某年其小者則依周列國例

但年號用墨註首尾增損新舊之間亦如前法

其篡賊干統而正統已絕無年可繫則朱註其國名墨註

年號於行下如漢之呂氏正統雖絕而故君尚存則追

繫正統之年而註其下如唐之武氏用范氏唐鑑及胡氏補遺義例

其不成君亦依正統已絕之例如漢帝之類

凡無統自更端處如秦昭襄王五十二年楚漢元年吳黃

平元即於行下分註諸國之年大者紀年小者紀元朱

書新舊首尾增損皆如前法但其興廢促數則歲結之

不紀年者亦列數其國號

名號正統 僭國 篡賊 無統 不成君

凡正統之君周曰王秦漢以下曰帝其曰上者當時臣子之辭今不用唯註中

或因其列國之君周曰某爵某如趙侯僭稱王者曰某

君某如楚君當之類有註則從本文○按通鑑魏晉以後獨以一國之年紀事而謂其君曰帝其餘皆謂

之主初無正閏之別而猶避兩帝之嫌至周末諸侯皆

借王號顧反因而不改蓋其筆削之初義例未定故有此失今特正之庶漢以後曰某王某如齊王其僭稱帝

曰某主某如魏主丕之類註篡賊曰某新莽之類

不成君曰帝某註如帝玄之類

凡無統之君周秦之間曰某王秦王韓王之類無貶文者周室既亡而諸侯又皆稱

天子之已不為秦漢之間曰某帝楚義帝之類○無貶文者楚是時天下無君義帝

實天下之共主但制於強臣曰某王如漢王漢以後稱

帝曰某主吳晉宋魏其小國曰某主某如夏主勃某王勃之類

某如北涼王某公某如涼王歆之類凡小

即位建都起兵

凡正統周王繼世曰子某立註云是為某王如安王之類非子則各以

其屬如顯王之類不言即位者古者嗣君定位初喪年而後即位戰國末年此禮猶在如秦昭王薨次年十

月孝文王乃即位三日而薨是也秦更號曰王初并天

下更號曰皇帝如王初即位時未有天下自從無統

及并天下又未嘗改行繼世曰某襲位胡亥從

漢以後創業中興曰王即皇帝位漢高祖已稱漢王晉

稱王惟光武昭烈各以其號書○晉隋繼世曰太子某

即位漢惠帝以下用此例古禮已廢從有故則隨事書

之如秦子嬰漢

凡列國繼世不書因事注中見之其有故者乃隨事書之

如燕平楚橫

凡建國自立者曰某自立為某王如陳勝

齊法章楚完

○人所立者曰其尊其為某項籍尊義帝之類或曰某國立其為

某或曰某人立某為某王如秦嘉立景駒之類或曰某王其立某

為某王如張耳立趙歇之類

凡僭國始稱帝者曰其號姓名稱皇帝如魏王曹丕宋王劉裕梁王朱晃之類

類繼世曰太子某立如魏太子叡

○始稱王者姓名稱某王其繼世曰嗣

○復國曰某復立為某王如拓拔珪之類復號曰某國復稱王如西

秦之類

凡篡賊自見篡弒例

凡不成君者其初立用死國以下例唯所當如劉信劉玄之類

凡無統周秦之間惟秦繼世特從周王例諸國仍用列國

例自漢晉以後用僭國例但稱帝者不書姓如晉王炎齊王道成

之類

凡始建都曰都高帝都櫟陽帝玄都宛光武都洛陽自他所來徙曰徙都韓

都鄭秦徙都咸陽。凡言西都某北都鄭秦者亦比類而從本文耳屢徙而後定曰定都

漢高帝至長安始定徙都事之微者曰某遷于某如楚遷于鉅陽之類國之微

者曰某徙居某如衛徙居野王之類徙封曰徙封如楚黃歇徙封于吳之類見其

強橫無君之實餘見封拜例為人所徙曰某人徙某人于某地如楚人徙

魯于莒之類

凡起兵以義者曰起兵如秦末諸侯漢劉崇翟義劉續之類漢末關東州郡其起雖

不義而所與敵者又不得以盜賊名之則曰兵起如新莽時

州郡及樊崇
乃子都之屬

凡國家無主四方據州郡稱牧守者曰某人自為某自稱

某自領其官袁紹曹操之類其傳襲各隨其事書之孫權袁尚之類

凡天子已稱皇帝而復加他號者隨事書之如漢陳勝劉太平周天元

唐尊號之類

凡以國與人者子弟曰傳趙主父之類他人曰讓燕噲之類○舊本

在改元門之未今按
目錄次序而移於此

改元後唐石晉之間溫公舊例凡為顛錯

凡中世而改元者著其始魏惠王一年漢文帝後元武帝元狩之類餘皆因事

見之女章之類

凡中歲而改元無事義者以後為正依溫公舊例其在廢

興之際關義理得失者以前為正而注所改於下如漢建安

二十五年十月魏始稱帝改元黃初而通鑑從是年之
首即為魏黃初又章武三年五月後主即位改元建興

而通鑑於目錄舉要自是年之首即稱建興凡若此類
非惟失其事實而於君臣父子之教所害尤大故今正

之但建安二十五年三月改元延康考之范史及陳志
註文是漢號而通鑑所書乃在曹丕稱王時所改者今

不能
悉見

尊立尊謂尊太上皇太皇太后皇太后皇太右立謂
立皇后皇太子其諸王自入封拜例

凡正統尊立皆書尊曰尊某為某漢高祖尊太公為太上
皇後凡尊皇太后為太

皇太后尊皇后為
皇太后皆用此例其母非正嫡則加姓氏定例太后王
姬慎園貴人

類更曰更某為某漢高祖更王后曰皇太子立后曰立皇后

某氏如惠帝張后之類非正嫡曰立某氏為皇后如文帝竇后之類立

太子曰立子某為皇太子漢文帝初立景帝為太子時但云子啓中年以後封王諸

子始有稱皇子者後遂稱之今按封立之命出於天子不應自謂其子為皇子只從文帝初例

凡非正統則不書因事特書者去皇號漢立太子盈無事而特書者備漢事

皇號惟太上皇不可省然惟一見後但云太上而已

崩葬陵廟改葬

凡正統曰崩因其舊史在外則地秦始皇漢未踰年不成

君曰薨如漢北鄉侯失尊曰卒如周赧漢其太皇太后皇太

后皇后皆曰某后某氏崩自殺曰自殺謂罪有罪即加

罪字上文已書反逆者不必加無罪而以幽死者曰幽

殺之亦同廢后不書因事見者曰卒自殺者曰自殺國

亡身廢守節不移而國統尋復者則有其故號而書崩

孝平秦漢以後王侯死皆曰卒賢者則注云謚曰某

秘丞說凡諸侯王以下當依陸淳例是似堯通鑑書堯論而恨周秦漢紀不可謂本追改則是似堯通鑑書堯

之失而悔之矣陸淳說見春秋纂例蓋堯乃臣子之辭不當施之於國史也今從其說○又謚非生者之稱而

通鑑以謚加於薨卒之上亦非是今亦正之自殺者如

后例不復言有罪僭國之君稱帝者曰某王姓某卒

稱王公者曰某王公姓某卒按温公引三十國春后夫人不書因事而見者曰某號某氏卒

凡無統之君稱帝者曰某王某殂稱王公者曰某王公某

薨因其天子故得其後夫人如僭國例

凡蠻夷君長曰死鳥孫昆彌

凡盜賊首帥曰死隗囂

凡正統之君廢為王公而死者書卒而註其謚

凡正統之君葬驪山萬年立廟太上皇廟預作陵漢景作

募民徙廟成廟之類追崇廟號漢太宗世皆隨事

書之

凡正統之后特葬曰葬其謚皇后于某有謚而書葬如始

例合葬不地昭烈之類不當合而合則特書合葬其陵

漢哀帝傳太后合葬渭陵之類

凡僭國無統之君陵廟因事乃書無事則見之注下因事如魏

作壽陵立三其後夫人亦然

凡正統追尊改葬立廟皆書漢高祖五年昭靈夫人昭帝

悼考悼右置園邑追尊悼考為皇考立寢廟哀帝定

篡賊晉董狐齊太史書趙盾崔杼弑君而不隱史氏

地著之蓋臣子隱諱之義聖人之微意也前世史

官修其本朝之史者多取春秋之法然已非史法

又况右世之人修前代之史乃亦有為之隱諱而

使亂世賊子之罪不白於世人之耳目者則於義

凡正統周秦以前列國弑君微者曰盜殺某君某楚君當

史失賊曰某國弒其君某鄭君賊可見者曰某弒其君

某韓嚴遂君失名則不名韓哀侯賊官可見者並著之

秦庶長類弒君而及其親屬者并書之秦出公君出走而

弒之曰某君出走某弒之淖齒弒其君之父母者隨事

書之秦魏冉弒惠文趙李兌弒主父秦以後以兵弒者天子則曰

某人弒帝于某如趙高之類書借國無統則曰某國某

人弒其君于某如魏司馬

凡以毒弒者加進毒字而不地不可得而地故加進毒以

又加使疑者曰中毒崩如晉惠帝之類史言或曰司馬

如此書以傳疑而著史家本語於其下

凡事義不同者隨事異文如呂后廢少帝出殺之類少

而殺之故不得以弒書若少帝真當立之人無可廢之

不得免弒君之名矣元魏馮

凡篡國其事不同故隨事異文而尤謹其始如田氏并齊

皆入寇之類至王莽董卓曹操等自其得政遷官建國

受禪封其故君則曰廢而不曰奉其弒之者自加弒例

凡殺他國之君亦隨事而異文魏殺衛君之類其因

廢徙謂下廢上者其上

凡未成君而有罪當廢者曰某有罪某官某奏廢之昌邑

類之無罪為強臣所廢者曰某廢某為某弘農王未即位

類之無罪為強臣所廢者曰某廢某為某弘農王未即位

者如本號孺子類列國廢其君曰某國廢某君某為某晉

類之遷則曰某遷其君于某齊田和類

祭祀郊祀 封禪 宗廟 雜祠祭

凡正統郊祀天地建置遷徙皆書雍五時甘泉大時汾陰

帝長安 南北郊其行禮世一見之餘或因事而書

凡封禪皆書

凡宗廟之禮建置更革皆書漢王二年立宗廟社稷例不

高廟原廟顧成 廟太宗廟之類其行禮不書或舉盛禮或因他事乃書

凡雜祠祭因事乃書或有得失可法戒則特書之得如始

禹高祖祠孔子之事失如文帝 作汾陰廟武帝祠竈求仙之類

○非正統用正統雜祠祭例書秦王郊見上帝于雍以僭

凡冠昏惟正統書冠如漢惠昭之類 昏如漢平之類

○非正統則非有事義不書如秦王冠以帶劍書楚 迎婦以忘讎書之類

凡禮儀惟正統盛禮及有事義見得失者乃書文帝藉田 明帝太射

養老之屬以得書 登靈臺以盛書

凡置酒宴饗因事乃書漢置酒南宮朝 賀置酒之類

○非正統者亦同上例魏主髦養 老之類

凡學校興廢皆書

凡事關道術者皆書石渠白虎求書典 校圖讖漢禮律歷

行幸巡幸 田獵 奔走

凡正統巡行郡國曰帝如某○既行而止曰不至而還○

所過有事曰帝至某則無異事○所詣非一則指其方

曰帝某巡○還曰帝還宮則無異事○暫還復出曰留

幾日

凡官府第宅曰幸○學校曰臨曰視○私出曰微行

凡游觀田獵之事各以其事書

凡奔走以實書○列國若僭國無統之君出走曰某號某

出奔某諸侯失地名未有所止者曰出走齊君地

凡非正統書法同但不書還或當特書以見事實則曰還

某如魏主某還洛陽之類幸下著其字

恩澤

制詔更革遣使巡行戒諭遺詔

凡恩澤皆書正統曰赦起漢高祖五年至元帝永光二年再赦之後依胡氏例無事意者不

復○非正統者曰赦其境內○賜復如高帝復子產者過沛復其民之類

除減租力役惠帝除田租之類○問疾苦貸貧乏如漢文帝定振

貧養老○恤死喪如漢王棺○錄囚徒宣帝令郡國上繫囚○賜

酺趙主父酺五日

凡制詔謂前此所無而始為之者皆書之秦置丞相趙胡服秦置郡縣為

水德漢初為筭賦起朝儀立原廟之類是也

凡更革謂前此所有而今始改之者皆書之秦變法廢井田更賦稅法

更號除謚銷兵壞城焚書漢高除秦苛法文帝除肉刑短喪之類

凡興作土工皆書之如秦鑿涇水為渠築宮治道

凡戒諭皆書周公喻楚

凡遺詔有事者皆書如文帝短喪武帝宣帝昭烈顧命章帝罷益鐵

凡遣使巡行各隨事書之

凡號令謂措置一時之事者皆書之如秦令民納粟拜爵文帝令四方毋來獻

列侯之類

朝會

聘問 游說 和好 交質 割地 降附 貢獻

凡朝有事若非常乃書正統曰某侯來朝周齊漢秦公子少官會諸侯來

類朝之漢以後則書名象則曰等

○非正統而相朝者曰某入朝于某如韓王朝秦之類其相如而

非朝者各以其事書如秦王稷薨韓王衰經入平祠齊趙入秦置酒之類

凡會盟皆書有主者曰某會某于某齊田和會魏衛于濁澤秦公子少官會諸

侯來朝秦誘楚會武關秦會楚于宛之類無主者曰某某會于某齊魏會田諸侯會京

師齊魏會徐州之類有事者各以事繫之如濁澤以求為諸侯徐州以相王之類

凡聘問正統遣使于他國曰遣某官某使某漢陸賈劉敬使卑

而無事者曰遣使如某他國通好而不臣者使來曰某

國遣使來聘使者則曰遣其臣某使者官重則曰遣其

某官某○間無異事而遣報使則曰遣某官某報之有

異事則曰遣某官某報其事

○非正統則曰某使某如某燕樂畧則曰某遣使如某○

間說則曰某使某說某而繫其事

秦使張儀說諸侯連衡使以歌題約親用

他例燕使蘇秦報未至秦王薨諸侯皆畔衡復乞師合從而不書者秦非燕所能使燕特資其行耳

曰某使某如某乞師如趙公子勝乞師○獻物曰某使某獻某

于某趙使藺相如獻璧于秦

凡和好各依本文書之其非正統或曰某以某為和於某

或曰某請成于某或曰某與某平或曰某與某和親或

曰約親○正統我所欲曰遣某使某結和親或曰與某

和親彼所欲曰某請和親

凡交質曰某某質于某

凡割地從小入大曰某獻某地于某或曰某入某地于某

或曰某伐某某獻某或曰某以某為成於某或曰云云

某盡入某以謝或曰某割某以和于某從大入小曰某

與某某

凡降附正統曰某來降○力致曰降之如赤眉○或隨事

書之如日南越王稱臣奉貢之類

○非正統曰某降于某○或隨事書之如衛服屬三晉聽命于秦韓稱藩于

秦王陵以兵屬漢隨何以九江王歸漢之類

凡貢獻正統曰某遣使入貢或云獻某物

○非正統曰某遣使貢獻于某或曰獻某物如趙使藺相如獻璧于秦

類之

封拜 選舉 賞賜 殊禮 徵聘

凡正統封王皆書曰立某為某王 漢高祖立長沙王芮從

類自武帝元朔二年以後封王無更立曰更立或曰徙

齊王信濟北王志 封侯有故乃書曰封某為某侯 雍齒因而命

之者初命某為某諸侯 周威烈三晉安 封者多則統言

之 如云始剖符封功臣為徹侯太后王諸呂齊王卒分

子五 益封進爵有故則書 漢文帝論功益戶有差成帝

類 褒先代聖王之後而封者悉書 武帝封孔吉

○宦者封爵皆加宦者字 如鄭衆之屬以著

凡以親戚貴重者書其屬 如元舅王鳳之類以

凡非正統封其臣子有故則書曰某封某為某 如阿大夫

親屬則曰某封某某為某 趙勝之類

凡相王見即位例

凡正統命官曰以某人為某宰相皆書 漢丞相相國三公

書御史大夫因事乃書自永餘官非有故不書 有功臣

治亂安危者乃特書之 宦者除拜當書者皆加宦者字

如石顯之類以著

○因事而命官者某人云云以為某官 周吳起非正統命

官非有故不書 衛鞅申不害之類

○魏晉以後一除數官則書其重者 三公丞相大將軍大

尚書令 ○州鎮但云都督某某等州軍事無都督號者

但云某州刺史有異者全書及所鎮如琅邪王睿為安東將軍都督揚州

治建業之類

凡選舉皆書如漢高帝求賢詔惠帝復孝弟力田文帝舉賢良方正之類

凡賜服周賜秦以賜爵之類號婁敬姓上婦人號之類傳平君

物鄭均之類皆書

凡殊禮皆書如致伯丁秦蕭何劍履上殿賜淮南王几杖王莽是為之以自為

此書餘做

凡徵聘隱士從其本文或曰迎勝申公龔之類或曰徵周黨嚴光之類

凡追褒勲賢皆書如畫像如光武祭蕭何霍光祭陳蕃等之類

凡錄功臣子孫皆書如宣帝求高祖功臣子孫失侯者賜金復其家封蕭何子孫之類

征伐叛亂 僭竊 夷狄 遣將 師名 勝負 戰

凡正統自下逆上曰反有謀未發者曰謀反兵向闕曰舉

兵犯闕

凡調兵曰發集兵曰募整兵曰勒行定曰徇行取曰略肆

掠曰侵掩其不備曰襲同欲曰同合勢曰連兵并進曰

合兵在遠而附之曰應相接曰迎服屬曰從益其勢曰

助援其急曰救開其圍曰解交兵曰戰尾其後曰追環

其城曰圍

凡勝之易者曰敗某師平之難者曰捕斬之舍此之彼曰

叛曰降于某附于某犯城邑寇得曰陷居曰據

凡僭名號曰稱周列國稱王稱帝漢以後僭國篡稱皇帝盜賊稱帝稱天子之類

○人微事小曰作亂人微衆少曰盜衆多曰羣盜

○犯順曰寇秦伐韓趙周約諸侯欲伐秦秦人攻西周

凡中國有主則夷狄曰入寇或曰寇某郡事小曰擾某處

中國無主則但云入邊或云入塞或云入某郡殺掠吏

民

凡正統天子親將兵曰帝自將如漢高擊滅荼利幾之類遣將則曰遣

某官某將兵○大將兼統諸軍則曰率幾將軍或云督

諸軍或云護諸將○將卑師少無大勝負則但云遣兵

○不遣兵而州郡自討則云州郡或云州兵或云郡兵

置守令平盜賊曰以某人為某云云成帝河平二年西夷相攻以陳立為

牂牁太守討平之以虞詡為朝歌長之類

凡正統用兵於臣子之僭叛者曰征曰討如漢高祖於韓王信之類

夷狄若非其臣子者曰伐曰攻曰擊其應兵曰備曰禦

曰拒皆因其本文如漢高祖於共尉滅荼利幾之屬

凡人舉兵討篡逆之賊皆曰討漢王討西楚呂臣劉崇翟義之類

凡戰不地屢戰則地極遠則地

凡書敵於敵國曰滅之韓滅鄭之類於亂賊曰平之敵國亂賊

歲久地廣屢戰而後定則結之曰某地悉定或曰某地

平

凡得其罪人者於臣子曰誅於夷狄若非臣子者曰斬曰殺

凡執其君長將帥曰執曰虜曰禽獲曰得皆從其本文凡阬斬非多不書○取地非多且要不書

凡師入曰還全勝而歸曰振旅趙充國之類小敗曰不利彼為

主曰不克大敗曰大敗或曰敗績將帥死節曰死之

凡人討逆賊而敗者亦曰不克死曰死之劉崇翟義之類其破滅

者亦以自敗為文三輔兵皆破滅之類

凡非正統而相攻先發者不曰寇陷後應者不曰征討其

他悉從本文惟治其臣子之叛亂者書討討而殺之曰

誅

廢黜

后妃諸王

太子國除

凡正統廢其后太子諸侯王而無以考其罪之實者曰某

人廢

如漢彭越陳后之類

罪狀明白者加有罪字

罪已見者云以罪若反遂大罪

已見則不必加無罪曰廢某人如漢景帝廢薄后太子榮之類

凡書國除者著其事燕王建之類有罪亦如之

凡自貶號者因其本文衛侯衛君之類

凡非正統者向上皆加國號廢字在上者下加其字例皆做此

罷免

囚繫誅殺

流竄寬宥

凡罷免罪不著者曰某官某免并免爵者曰某官某爵某

免為庶人流徙者即下著者名下加有罪字或作無罪

者曰免某官某并免爵者曰免某官某爵某為庶人策

免者加策免字

凡謝病請老致仕宰相賢臣則書張良王吉二

凡就國貶左遷亦依罷免例分三等罪疑則姓名在上罪

著則加有罪字無罪則云遣某人就國貶某官某為某

官左遷某為某官

凡上印綬收印綬從本文鄧禹王

凡下獄死罪不著者曰某官某下獄死罪狀明白者名下

加有罪字或云無罪者曰下某官某獄殺之其以赦出

或被刑者自殺不食死之類各隨其事書之官已見者

不復見惟無罪而賢者則特書之雖以廢免亦曰故某

官爵某

凡誅殺叛逆或大罪曰某官某伏誅或曰誅某官某或曰

討某官某誅之秦趙高漢韓王信諸

凡他罪明白者曰有罪棄市罪疑者去有罪字無罪曰殺

某官某趙李牧秦李斯漢

凡書官例與下獄例同族其家夷其族夷三族族誅某人

家族滅某人家皆從本文

凡欲殺而釋之者韓信朱雲之類○欲治而寬之者梁王立之類○當誅而不果者王侯之類

人事

凡鄉里世系不能悉記惟賢者則著其畧

凡諸臣之卒惟宰相悉書賢者曰某官某爵姓名卒而註

其謚說見崩葬例常人則不爵不姓不謚姓未見者著之

凡賢臣特書依賢相例官爵惟所有處士曰處士衆人則

因事而見曰某官姓名卒而已無官則爵無爵則姓名

而已某官爵已見者亦不復書

凡卒于軍者曰軍祭遵馮異非其地則地管寧

凡自殺者曰自殺有罪者加有罪字

凡賢臣遇害曰某殺某其官爵如本例來歙彭之類

凡衆殺稱人吳起蘇秦之類盜殺稱盜俠累之類

凡死節者皆異文以見褒劉崇翟義劉快龔勝王經劉湛諸葛瞻

凡無統之世惟宰相不悉書餘並依正統例但各如其國

名

凡僭國之臣不以賢否皆因事乃見而依無統常人之例

凡篡賊之臣書死范增王舜楊雄之類

凡戰死書死

凡一人之往來去就關國家利害繫時世輕重者不以賢

否皆書

孟軻吳起衛鞅李斯張良諸葛亮管寧之類

或有他事當見者亦書

田文之類

凡有官者書官惟初除一見後改除乃復見之

凡宰相官重者書官而去姓

如相國何大將軍光之類

爵異者書爵而

去姓

魏公操魏王操之類

凡無統大國之臣依正統小國僭國雖權臣貴重但書姓

名

凡正統諸侯王既卒皆以謚稱

災祥

凡災異悉書祥瑞或以示疑或以著偽乃書

凡因災異而自貶損求言修政施惠者皆書無實者或不

悉書

資治通鑑綱目凡例

朱子與訥齋趙氏師淵論綱目手書

綱目看得如何得為整頓續成一書亦佳事也

綱目能為整頓否得留念幸甚

通鑑綱目以眼疾不能細看但觀數處已頗詳盡東平王蒼罷歸潘連下文幸鄴事元本漏已依所示者補之矣此書無他法但其綱欲謹嚴而無脫落日欲詳備而不煩冗耳

綱目想閒中整頓得儘可觀恨相去遠不得相聚討論也

通鑑綱目次第如何有便幸逐旋寄來

所補綱目幸早見示及他卷不知提要曾為一一看過
否若閒中能為整頓得一番亦幸事也巡幸還宮當
如所論但其間有事者自當隨事筆削不可拘一例
耳後漢單于繼立不書本以匈奴已衰不足詳載如
封王侯拜三公行赦宥之類耳更告詳之却於例中
畧見其意也

閒中了得綱目亦是一事不知已至甚處自古治日少
亂日多史書不好看損人神氣但又要知不柰何耳
某今此大病幾死幸而復蘇未病時補得稽古錄三
四卷今亦未敢接續整理更欲續大事記熙寧以後

亦覺難措手也此恐他日并累賢者用功亦不多也
所補綱目今附還亦竟未及細看不知此書更合如何
整頓恐須更以本書目錄及稽古錄皇極經世編年
通載等書參定其綱先令大事都無遺漏然後逐事
考究首尾以修其目其有一時講論治道之言無綱
可附者唯唐太宗紀中最多雖以事類強而附之然
終未安不知亦可去其太甚否而於崩葬處作一總
叙畧依次序該載如何某衰朽殊甚次第只了得禮
書已無餘力此事全賴幾道為結裹了却亦是一事
也又如稽古錄中書亂亡事時或不著其用事人姓

名無以示懲而作戒此亦一大眼目不可不明著其人與其交黨之尤用力者使其遺臭無窮為萬世之明鑒也

資治通鑑綱目後序

春秋魯史之舊名也編年魯史之舊制也策書魯史之舊文也夫子述而不作孰謂春秋為作曰其事則述其義則作本天道以正人事本王道以正伯圖嚴君臣辨內外懲惡而勸善其要歸於撥亂世反諸正筆則筆削則削非聖人孰能作之故春秋史也而謂之經自聖經孤行三家各以所聞為傳舛午異同不能盡合於聖人之意學者病之然其大經大法所以建諸天地而不悖質諸鬼神而無疑百世以俟聖人而不惑者固非專門名家之流所能揜蔽之也粵自紀傳創興而編年之法

廢細大不捐猥釀不綱而策書之法廢是非去取由其
一隅之見不能不謬於聖人而懲勸之法又廢矣獨司
馬公處史法廢墜之餘超然遠覽推本荀悅漢紀以為
資治通鑑一書凡一千三百六十二年之事珠貫繩聯
粲然可考而春秋編年之法始復其功可謂偉矣若策
書之法公嘗著於稽古錄而不引之於此以相附近廣
記備言曲暢旁通包括既衆前後相承若長江大河順
流東趨雖欲盡為界限而莫可得蓋其詳固未易記識
而其大要亦未易以槩舉也至於帝曹魏而寇蜀漢帝
朱梁而寇河東繫武后之年黜中宗之號與夫屈原四

皓之見削楊雄荀彧之見取若此類其於春秋懲勸之
法又若有未盡用者此子朱子綱目之所為作也踵編
年之成文還策書之舊制一年之內綱別其條一條之
下採摭其要井井有條如指諸掌細故浮辭固就刊削
至言確論復多增補簡而周詳而整綱倣春秋而參取
羣史之良目倣左氏而稽合諸儒之粹至於大經大法
則一本於聖人之述作使明君賢輔有以昭其功亂臣
賊子無所逃其罪而凡古今難制之變難斷之疑皆得
參驗稽決以合於天理之正人心之安而後世權謀術
數利害苟且之私一毫無得參焉則是繼春秋而作未

有若此書之盛者也况於兼策牘之制會文質之中不使孤行以啓後世異同之說其亦毫髮無遺恨矣或曰然則此書之作曷為不繼春秋麗澤先生呂公之為大事記也固接於獲麟且託始而述先幾齊居感興亦既言之矣今而不易何也曰事記之書用馬遷之法者也故續獲麟而無嫌綱目之書本春秋之旨者也故續獲麟而不可夫固各有當也自有史冊而有春秋自有春秋而有通鑑有通鑑而有綱目其間蓋欲晚歲稍加更定以趨詳密而力有未暇焉者然其大經大法之所存是豈秦漢以後操觚執簡之士所能歷其庭而涉其級哉歲在庚午方子始獲傳此於嗣子寺正君而服膺焉試吏南來負以與俱會建安真侯德秀惠臨此邦暇日取而讀之喟然嘆曰大哉深乎信春秋以來未之有也為人君而通此書足以明德威之柄燭治亂之原為人臣而通此書足以守經事之正達變事之權蓋窮理致用之總會而萬世史筆之準繩規矩也慨郡計董董無乏乃相與隱覈滲漏之餘財復求寺正君新校之本參定而鋟諸木蓋將

上禪乙夜之觀覽而下淑學者之講明閱歲書成而侯易帥江右元戎將啓行矣於是亟以告諸朝廷請上其板

于成均以給四方之求且庶幾乎轉以上聞又俾方子
書其所為刻之故方子固不得而辭也昔者竊聞之二
程子倡明斯道以續絕學之傳其於史事若未數數然
也然伯子讀漢書未嘗輒遺一字叔子每觀史至半必
掩卷思其成敗其有不合又復深思研精若此豈有他
哉學之全体大用固當無所不用其極也至於此書之
成義正而法嚴辭覈而旨深陶鎔歷代之編駁會歸一
理之純粹振麟經之墜緒垂懿範於將來蓋斯文之能
事備矣使司馬公見之必將心滿意愜有起予之歎而
王氏高談性命絕滅史學卒稔夷狄之禍君子所以深

誅而不聽者也雖然五經備而後春秋作五經言其理
春秋言其用理未極於精微春秋未易學也子朱子首
釋四書以示入道之要次及諸經而後可以讀此書焉
學者必循序而學之然後本末無該內外融貫其於學
之全體大用儻庶幾乎苟不揣其本而齊其末不養其
內而急其外遽以此書為先夫豈不足措之事業終不
若體用兩全之為純且懿也故具論之而著書之凡例
立言之異同又附列於其後使覽者得考焉嘉定己卯
冬十月庚午門人文林郎泉州觀察推官李方子謹書

資治通鑑綱目後語

通鑑綱目之惠後學久矣李果齋後語曰著書之凡例
立言之異同附列於其後然有是言也而未見是書也
五十有餘年莫有知其詳者未嘗不撫卷太息遐想於
斯馬噫麟筆絕而史法壞司馬公鑑古託始三侯之僭
命自是權謀變詐之習益深坑師滅國干統夷族相迹
而奔興廢離合輾轉於一千三百六十二年之間其端
如毛朱子推絜矩之道寓權衡之筆大書分註自相錯
綜以備經傳之體史遷以來未始有也苟非發凡釋例
一以貫之則述作之意孰得而明勸懲之意孰得而辨

而大經大法所以扶天倫遏人欲脩百王之軌度為萬世之準繩者何以見直書不隱之實是豈尋行數墨強探力索者所可得其彷彿哉宜後學之所大恨也一日觀訥齋趙公文集間有考亭往來書問乃知綱下之目蓋屬筆於訥齋而昔未之聞訥齋曰凡例一冊已抄在此信乎果有是書也塵編將發影響自露及因上蔡書堂奉祠謝君作章為趙之嫻力囑其訪問曰嘗毀於水而未必存越一年始報曰凡例幸得於趙君與巒錄以見授如獲天球弘璧復得係軒趙公本參校互正遂成全書今諸本所刊序例即此凡例之序也其後列十有

九門總一百三十有七條凡下有目目下有類正統無統之分甚嚴有罪無罪之別亦著或君其王或主其帝或以盛書或以僭書或以得失書或以更革建立書有以自為自稱書者有以賢不用舍書者有以可戒可法書者有以示疑著偽書者或著刑臣有功之始或著刑臣與政之始或著外家與政之始征寇誅殺之不同薨殂卒死之有異條分縷析該覈謹嚴治亂躍如也昔夫子之作春秋因魯史之舊文不見其筆削之迹正以無凡例之可證朱子曰春秋傳例多不可信非夫子之為也今綱目之凡例乃朱子之所自定其大義之炳如者

固一本於夫子至若曲筆亂紀隱慝匿情有先儒之所
未盡者悉舉而大正之蓋深以邪說橫流誠有甚於洙
水猛獸之害有不可辭其責朱子亦謂綱目義例益精
密亂臣賊子真無所匿其形矣開歷古之群蒙極經世
之大用謂之續春秋亦何愧焉吁朱子之書流行天下
無有遺者獨此一卷晦迹既久殆將堙淪不廣其傳則
讀是書者終無釋疑而辨惑遂毀梓于稽古堂與同志
共之有宋咸淳乙丑正月望金華王栢書

資治通鑑綱目識語

右通鑑綱目凡例得之今二車潘公子與蓋金華始錄
本而學者多未見也是書固宜與綱目並出然自乾道
壬辰今百年矣彼先後顯晦之故抑有其數耶發凡以
言例夫子何隱乎爾而使後之人隨義而昭明之殆有
所屬不然夫子豈靳乎是而不傳哉執傳例以求春秋
勿可執是書以求綱目則可微綱目無以知春秋微是
書無以讀綱目信其傳之不可不廣也貳車念家學考
亭謂刻諸學宮以惠我人既成矣復相語曰安得併刻
綱目備此一書以為宣學鉅麗之典也貳郡文學掾廬

山文天祐謹識

資治通鑑綱目發明序

先正朱文公先生脩通鑑綱目觀其自序有曰歲周於上而天道明統正於下而人道定大綱槩舉而監戒昭萬目畢張而幾微著則知先正致力是書者其有補於世教甚不淺也又曰是則凡為致知格物之學者亦將慨然有感於斯又曰因述其指意條例於篇端以俟後之君子則知先正注意是書其有望於後人發揮而講明之者亦甚不淺也且夫先正書法有正例有變例正例則始終興廢災祥沿革及號令征伐殺生除拜之類義固可見若其變例則善可為法惡可為戒者皆特筆

書之如張良在秦而書曰韓人陶潛在宋而書曰晉處士楊雄在漢而書曰莽大夫呂后在一統之時而以分注紀其年武氏改號光宅而止書中宗嗣聖之類是皆變文見意者也至於其間微詞奧義又有不可得而徧舉如陶侃以藩鎮入擊賊而必書溫嶠以陶侃討峻褚淵以舊臣為司空而必書於齊王道成稱帝之下唐宇文士及邪佞之臣也而卒書其爵五代馮道失節之人也而卒具其官凡若此類殆未易察儻徒習其句讀而不究其指歸則先正書法之義隱矣此固鯽生所以妄意發明有不容自己者况是書之作其大經大法如尊君父而討亂賊崇正統而抑僭偽褒名節而黜邪佞貴中國而賤夷狄莫不有繫於三綱五常之大真所謂為天地立心為生民立極為先聖繼絕學為後世開太平者也昔孟軻氏以孔子作春秋與抑洪水膺戎狄放龍蛇驅虎豹者異事而同功切謂綱目之作其有補於世教殆亦有得於春秋之旨皆所以遏人欲於橫流存天理於既泯是烏可不講究而發揚之哉今茲所述止欲發明書法指意使之顯著而已其間亦有先儒已嘗議論者則不復述或雖已有議論而指意不同者則自以已意附見又有雖當發明而先後義例相類如一者亦

不重舉求其大要不過如是雖未能貫通與旨然於其
大義亦或畧見萬分之一世之君子儻因瞽言而不徒
以史學視之亦足以無負於先正之志矣管見之愚如
此幸毋謂其僭後學遂昌柘溪布衣臣尹起莘謹序

資治通鑑綱目書法凡例

正統例

凡天下混一為正統正統者大書紀年繼世雖土地分
裂猶大書之其非一統則分註細書之雖一統而君
非正系或女主亦分註書之

帝王例

帝王即位周六世書子某立或弟某立恒稱王秦末混
一從列

國例漢以後創業書即皇帝位中興書即皇帝位繼世

書即位繼世而書襲位或書立者變例也皆恒稱帝

傳位書傳位不書傳位止書太子即位者變例也凡
變

例各有義各
見本事下

升遐書崩書卒者變例也周不書葬秦漢以下書葬某
陵遇害書弒書暴崩某地者變例也

皇后例

皇后立周秦不書西漢書立夫人或婕妤某氏為皇后
東漢書立貴人某氏為皇后止書立皇后某氏或書
立某人女為皇后者變例也後主以後至隋止書立
皇后某氏唐復書立妃或昭儀或淑妃某氏為皇后
恒稱皇后子立稱皇太后孫立稱太皇太后
崩周秦不書至西漢始書崩上官氏以下始書氏不氏

或書卒者變例也堊周秦西漢不書堊堊者變例也

東漢晉隋唐書堊某皇后不地書地者變例也

弒書弒書殺者變例也

皇太子例

皇太子立周不書秦始書漢以下書立子某為皇太子
繼世書太子某即位其不書名者變例也惟唐世例
書太子即位不書名者變例也

列國例

列國周天子在上始建國書為諸侯繼世書立恒稱爵
僭王後恒稱君卒書卒妻稱妃或稱婦母稱君母子稱

太子上無天子七國書王卒書薨妻稱后母稱太后
曹魏以下始建國書稱皇帝繼世書立恒稱主正統
未亡卒書卒正統亡卒書殂妻稱后母稱太后子稱
太子列國皆不書薨書葬者變例也弒皆書弒書殺
者變例也列國立后太子不悉者

僭小國恒稱爵卒書卒妻稱夫人僭帝恒稱主卒書殂
妻稱后子皆稱子或稱太子皆不書葬弒皆書弒

大臣例

丞相三公拜免悉書之秦書免漢元以來始書罷或書
免成帝始書策免唐以來丞相罷為他官賢者則書
罷為某官否則書罷而已

卒皆書卒兩漢卒具官爵書姓者為美辭不姓者為恒
辭惟不具官爵者迺貶之蜀漢至晉以後無不書姓
者不書姓者變例也惟不具官爵者為貶辭宋魏至
陳無不具官者非賢不錄也僭國之臣其見錄者雖
不具官非貶矣隋唐具官爵者皆美甚者書謚不具
官爵者乃貶之

凡免官書某人免者可免者也著所坐免者有罪者也
書免某人官下某人獄免徵某人下獄免者無罪者

也凡左遷
義同

凡除名書除某名者無罪者也某除名者有罪者也

師衆例

凡興師有名曰征曰伐曰討無名曰侵曰擊曰攻輕曰

襲

戰國多從書
伐世遠也

凡反者書反書拒命書犯闕其書起兵舉兵兵起者變

例也

凡反者臣民及蠻夷在州境者或中國所立者或前已

降者書討非是書擊而已

凡盜賊外患者書寇陷應之者書擊而已罪甚者或書

討外患不書寇甚或書伐者變例也

凡攻取用力多者曰拔曰克易者曰取曰入非都邑及

重城不書圍

誅殺例

凡刑誅有罪曰誅曰討無罪曰殺有罪亦曰殺者變例

也不為無罪不可書殺者曰斬自殺曰自殺迫之自

殺曰殺迫之自殺亦曰誅者變例也

凡下獄書下某獄徵某下獄無罪者也書某下獄有罪

者也凡下吏
義同

凡廢有罪曰某廢無罪曰廢某

凡徒有罪曰某徒某廢徒某免徒無罪曰徒某廢某徒

通鑑綱目卷之百一十一

免其徒貶其徒

凡罪書有罪者今罪也書以罪者前罪也

臨幸例

凡釋奠太學及幸孔子宅書詣其書幸者變例也

凡書巡幸田獵游觀皆譏也其非譏者變例也

凡避狄緩書如急書奔其甚急書是

雜例

凡名僭國之君恒稱之列國之君卒稱名夫地名非是而名者變例也

凡大臣以憂去不書書者變例也

凡人臣書起復皆譏也非譏而書者變例也

凡權臣進官書自者非君命而不書自者變例也

凡人臣書卒死義書死之卒於病而書死之者變例也

戰死書死獄死書死盜賊書死非是而書死者變例也

凡使臣不辱命書其名甚者具其官非是而稱名或具官者變例也

凡荒服之君立書立死書死其書卒者變例也殺書殺其書弑者變例也

按朱夫子篇首自序雖有正例變例之分然其二

例之中又各自有正變不可不知也竊嘗反復參
究千三百六十二年所書見其凡例首尾如一轍
以所見分為十類其二例中所有變例乃朱夫子
筆削新意皆有大關涉存焉則於各事發其微旨
以待後之君子儻不以僭為罪賜之訂正則幸矣
友益謹識

資治通鑑綱目集覽叙例

余嘗自恨賦性魯鈍學不迨人歷代陳迹懵懵無知用
是伏讀

文公通鑑綱目志在涉獵冀可粗通柰其中有假字古
文有援引幽邃或句讀疑難讀而值之訓詁弗明理辭
彌躓未免澄凝繹味鄭重覃思甚至移日通宵竟不會
其指要迺重尋古史申請老師雖舉南榮之宿滯氷釋
於一旦復苦華子之忘病尤劇於中年以故不揆筦錘
妄擬窺指煩牆閒之筆札勤窓下之編抄紬繆經傳群
書采刺儒先曩說事必窮其波源而隨加演註字必究

其巢穴而即便翻音凡載綱目文辭靡不銳心覈實至如山河形勝動植飛潛南北方言荒裔殊俗亦無放失悉用旁搜舊書之解者見有不同說或相戾茲皆兼錄務廣異聞其有所引根據未詳鑽研未至不肯鑿空決臆寧如夏五郭公句讀若涉疑昧則必剖判義理而註曰句絕或備錄一句全文而註曰為句庶爾後讀之脫復迷忘賴有此編矣猶患屬輯無倫漫然難檢遂本綱目篇章揭以帝王載紀雖然按綱目義例以得統之國大字特書無統之國兩行分註且無統之作動輒二三多至十數若皆小字分註似覺要領支離今從變例以

閏秦呂后新莽劉玄南朝五季不得統者與晚周漢晉隋唐正統之國一體特書如七雄西楚曹魏孫吳北朝君國及諸竊號僭名俱不枚標頭列大槩欲端緒同歸便於披閱而已非敢別為義例而故相牴牾也編始於大德己亥迄于延祐戊午積二十年七易稿而編甫成以其薈叢叢集頗可省覽因題之曰通鑑綱目集覽既成六年三復讎正每一過目輒見舛遺先哲有云校書如塵埃風葉隨掃隨有噫誠哉言也彼且云然况謏聞陋識者乎其盤根錯節尚有望於畜德醇儒云于時歲次甲子恭定元年正月燈夕前一日古舒望江慈湖王

幼學行卿端拜謹書

資治通鑑綱目書法序

先生既取綱目要領命善為之贊矣至是復曰夫子是書其筆削之精微正在變例又不可不知也然大要不
過辨名分正綱常以示勸戒爾豈固取褒貶之權以自
與哉為往聖繼絕學為萬世開太平此其志也因即書
法而求之有遷北踰年而仍補書其六年者存中國也

晉懷帝永嘉六年

有始即王位而即大書元皇帝者予正統也

晉元帝建武元年

或取他人子為太子則獨書太子即位而無

名別世嫡也

漢惠帝七年呂后

或立危病者為皇后則止書皇

后崩而不氏惜母儀也

唐德宗貞元二年王淑妃

立后書氏譏屬少

則書其名曰劉娥而後江沱之分明晉愍帝建興元年劉聰立妃

書氏譏欺人則書其名曰楊太真而後閨門之行飭唐

宗天寶四年將正太后以弑君則子生先書魏主之子而人

知無二上矣魏庚寅年子詡將責嗣君以瀆倫則前朝先書以

為才人而世知有三綱矣唐太宗貞觀十年或殺人而書於殿

內以譏其暴則刑人者必以義隋文帝開皇十年李君才或棄賢而

書未入宮以譏其褊則退臣者必以禮漢安帝延光三年楊震非

日食不書晦朔甚殺臣之忍則特書十二月晦而淫虐

止矣漢武帝元光四年實嬰非星變不書晝夜志女寵之陰則特

書萬年宮夜大水而感溺懲矣唐高宗永徽五年武昭儀謀反有主

名而書曰霍氏謀反謂其舉族皆反也則亂畧知所戒

漢宣帝地節四年討罪先渠魁而書曰討爾朱氏謂其舉族可

誅也則逆黨自此孤梁辛亥年或死之異地而書於陷城以

明其節唐肅宗至德二年或爵於異代而書於始卒以予

其忠唐中宗嗣聖十七年狄仁傑不捨其名以勸賢則有以叔姪而

一語兩書疏漢宣帝元康元年並列其罪以懲惡則有以父子

而一語兩書劉五代甲戌年兩國各兵而同書之以示

謀人人亦謀之之譏五代乙丑年兩國異事而不殊之以為

忘憂憂必及之之戒周赧王三十年若此類者不可勝舉皆變

例也皆所以垂世教也嗚呼備矣非朱夫子其孰能修

之非先生孰能明之抑嘗請於先生曰或者以是書為
門人之作又或以為未脫藁之書何如曰皆非也胡不
觀綱目篇端之自叙乎夫子固曰輒與同志取兩公四
書別為義例增損彙括矣且如尚書集傳止曰訂定豈
肯奪門人之名以為已作哉若以為未脫藁者則又不
然夫子之修綱目也書成之歲僅踰強仕非晚年之絕
筆也是後二十八年修書者復九如詩傳易啟蒙通書
解諸書皆在綱目已後成安有書未脫藁而遽及他書
耶書未脫藁而可謂之通貫曉析如指諸掌耶即此二
說可以渙然氷釋矣因誌于此以解議者之惑至順壬

申二月中和節門人賀善再拜謹書

資治通鑑綱目書法序

孔子因魯史作春秋以為萬世之法朱子因司馬氏通鑑作綱目以正百王之統此天地之經君臣之義而聖賢之心也世之言春秋者自公羊穀梁左氏以下無慮數十家而義猶有所未明疑猶有所未解者魯史不可復見且聖人之制作也後之羽翼六經者宜莫如朱子猶不敢言春秋然綱目之作非深得聖人之旨者不能也故朱子不言春秋而知春秋者莫如朱子世之言綱目者亦無慮數十家既有春秋為之義例又有諸史可以究其始末且去朱子之世為未遠而又有親及其門

者然言愈煩而義愈密非深得朱子之意如朱子之知
春秋者不能言也能言未有若廬陵劉氏綱目書法者
其辭則公羊穀梁其義則春秋而其志則朱子也古之
有天下者莫若舜禹湯武然湯有慚德武未盡善舜禹
之後得天下者莫如漢曹氏親受漢禪威加中國卒不
能奪諸葛孔明漢賊之分元魏據有中國行政施化卒
不能絕區區江左之晉而繼之此萬世之至公而不可
易焉者而猶或易之此綱目不得不繼春秋而作而書
法不得不為綱目而發也此朱子之志也劉氏諱友益
字益友遭宋訖錄閉門讀書既深於經復長於史其為
此書幾三十年寸寸而較銖銖而積微辭隱義高見特
識既足以啓發千載而中有無窮之憂余故曰非深知
朱子之意如朱子之知春秋者不能言能言未有若劉
氏綱目書法者而又曰此朱子之志也烏乎後之覽是
書者尚求其志哉天曆二年六月十日揭傒斯謹序

資治通鑑綱目書法後跋

先君子通鑑綱目書法義例貫通始終如一洞見朱夫子筆削之旨有非私智臆說之所可及也書成馮君子羽自

國學錄示朱夫子綱目凡例無不脗合但於立后例某人下獄例畧有異同而先君子歿且二年矣然求之書法有確乎不可易者豈朱夫子之例亦若詩傳有新舊說之未折衷歟不肖抱遺書究凡例於是二節既不敢致疑於先君子之書又不敢以朱夫子之說為未然謹誌于篇首以俟同志相與正之皆至元二年丙子十月

朔男渠百拜謹述

資治通鑑綱目序

朱子綱目之作權度精切而筆削謹嚴先輩論之詳矣
贊不待贅惟凡例世尚罕傳學者於書法有未窺其要
者至元後戊寅冬友人朱平仲晏歸自泗濱明年春出
其所錄之本謂得於趙公繼清貧翁之子嘉績凝始獲
披閱遂即錄之暇日詳觀因轉相傳錄而不能無小誤
惜未有他本可以參校乃隨所可知正其錯簡三條歲
門二條即漏誤衍文共三十餘字以寄建安劉叔簡錦
位門一條文刊之坊中與四方學者共之又記昔受學於先師定
宇陳先生時得方氏綱目論一編實能發朱子此書之

大旨而見者亦少今併錄以附于後蓋凡例當與綱目
並行而方氏綱目論當與尹氏綱目發明並行若綱目
及尹氏之書皆盛行矣故願以是二書備傳之苟能相
與講習則朱子繼春秋之筆煥然以明其於世教豈曰
小補至正二年壬午夏五月辛未朔新安倪士毅謹書

資治通鑑綱目考異序

或問春秋凡例子朱子曰春秋之有例固矣柰何非夫
子之所為也夫子作春秋筆則筆削則削游夏尚不能
措一辭而三傳各立凡例後之言春秋者又各立例殆
將數十百家言人人殊學者將安取衷哉子朱子筆削
資治通鑑為綱目褒貶去取一準春秋書法別統系以
明大一統之義表歲年以做首時之體辨名號以正名
紀即位改元以正始書尊立崩葬以叙始終書篡弑廢
徙以討亂賊書祭祀以著吉禮之得失書行幸田狩以
著巡遊之荒怠書恩澤制詔以著命令之美惡書朝會

聘問以著賓禮之是非書封拜黜罷以見賞罰之當否
書征伐戰攻以志用兵之正偽書人事以寓予奪書災
祥以垂勸戒片言隻字如持權衡以較輕重銖積黍分
芒忽靡忒故手筆凡例一卷備列所以筆削之法學者
據此以求綱目之旨不須更設註脚而史外傳心之要
典瞭然在目如眎諸掌與傳者之自立例以言春秋蓋
不霄壤翅矣然魯齊王公刊之金華敬所文君刊之宣
城而傳之未廣也至元丁丑友人倪仲弘偶得於其友
朱平仲遂以示余余喜其有益於後學欲鋟棗俾遠其
傳海寧任用和以其子從余遊聞而樂之迺刻諸家塾
余因考其同異以附於後并識其所從來之顛末於卷
首云至正三年癸未良月既望後學新安汪克寬謹書

資治通鑑綱目考異凡例

後學 新安 汪 克寬 學

克寬謹按前綱目凡例與綱目之書皆子朱子手筆褒善貶惡明著義例悉用春秋書法一字不苟然學者抄錄書肆傳刊久而漏誤者多尹氏發明乃或曲為之說噫朱子論春秋變例謂門人曰此烏可信聖人作春秋正欲示萬世不易之法今乃忽用此說以誅人未幾又用此說以賞人使天下後世皆求之而莫識其意是乃後世弄法舞文之吏之所為也曾謂大中至正之道而如此乎竊詳此言則綱目之與凡例時或異同皆抄錄

傳刊之失也况尹氏所紀綱目如秦王遷太后誤作秦人隋主堅弒介公闡誤作殺慕容泓敗死作賤死徵士陶潛作處士之類訛舛尤甚克寬自幼受讀嘗有所疑而未敢決其必然今僭躐謹擬刊本綱目與子朱子凡例相戾者敬錄如左以俟有識者考焉

歲年例曰正統於橫行之下朱書國號謚號君名年號建國僭國朱注國名謚號姓名年號列國朱注國名篡賊及不成君亦朱注國名

克寬按朱書朱注刊本當用白字今坊本綱目行上甲子字仍用白字則行下大書分注元用朱字者亦當易

以白字○又篇首威烈王名凡例於正統君名下注曰如云午今刊本細注亦當比晉帝奕例大書

名號例曰秦漢稱帝注曰其曰上者當時臣子之辭今不用唯註中或因舊文

今刊本唐中宗書上觀燈于市里玄宗書上躬耕興慶宮側上芟麥苑中上復幸左藏肅宗書上朝太上皇於西內代宗書上如陝州上還長安上幸章敬寺德宗書上生日不受獻穆宗書上畋驪山文宗書上有疾武宗書上受法籙懿宗書上歷拜十六陵僖宗書上奔鳳翔昭宗書上更名上祀圓丘上如石門鎮皆不書帝

即位例曰凡僭國始稱帝者曰某號姓名稱皇帝注云魏王曹丕宋王劉裕梁王朱晃之類

今刊本惟曹丕書姓宋王裕梁王晃皆不書姓

又曰凡始稱王者繼世曰嗣

今刊本書魏王曹操卒太子丕立不曰嗣

又曰復號曰某國復稱王注曰如西秦之類

今刊本晉武帝太元十年書乞伏國仁稱單于注云是

為西秦十三年書西秦王乞伏國仁卒而不書西秦復

稱王疑脫簡也

改元例曰開義理得失者以前為正而注所改於下注曰

章武三年五月後主即位改元建興而通鑑於目錄舉要

自是年之首即稱建興凡若此類非惟失其事實而於君

臣父子之教所害尤大故今正之

今刊本癸卯章武三年書後主建興元年而不數章武

之年然唐中宗景龍四年六月睿宗即位是年仍書四

年而分注睿宗景雲元年至次年書睿宗皇帝景雲二

年則建興元年疑誤

尊立例曰立太子曰立子某為皇太子注曰漢文帝立景

帝為太子但云子啓中年以後封王諸子始有稱皇子者

後遂稱之今按封立之命出於天子不應自謂其子為皇

子只從文帝初例

今刊本漢順帝建康元年書立皇子炳為太子唐太宗貞觀二十一年書立皇子明為曹王玄宗開元二年書立皇子嗣真為鄆王代宗大曆十四年書立皇子五人為王皇弟二人為王誤加皇字

又曰非正統因事特書者去皇號

今刊本宋武帝永初元年立子義符為皇太子亦誤加皇字唐穆宗長慶二年立景王湛為太子又誤去皇字崩葬例曰秦漢以後王侯死皆曰卒注曰薨乃臣子之辭不當施之國史也

今刊本唐武宗會昌二年書昭義節度使劉從諫薨僖宗乾符元年書同平章事劉瞻薨皆誤作薨

又曰謚非生者之稱而通鑑以謚加於薨卒之上亦非是今亦正之然非賢者則虛美之稱亦無所取故不復注

今刊本梁文惠公狄仁傑梁文獻公姚崇許文憲公蘇頲廣平文真公宋璟武穆王李光弼文簡公楊綰汾陽忠武王郭子儀西平忠武王李晟北平莊武王馬燧南康忠武王韋臯邠宣公杜黃裳晉文忠公裴度皆書謚又曰無統之君稱王公者曰某王公某薨注曰上無天子故得因其臣子之辭

今刊本宋魏之間書秦王乞伏熾磐卒武都王楊玄卒
涼王蒙遜卒五季之間書吳越武肅王錢鏐卒吳越文
穆王錢元瓘卒楚文昭王希範卒吳越忠獻王弘佐卒
皆不書薨

又曰凡正統之君廢為王公而死者書卒

今刊本唐高祖武德二年鄒公薨不書卒

篡賊例曰君出走而弒之曰某君出走某弒之註淖齒之
類又曰僭國無統則曰某國某人弒某君某

今刊本書齊君地出走其相淖齒殺之又書周郭威舉
兵反遂殺其主承祐而尹起莘發明皆曲為之說愚按

秦二世隋煬亦皆驕暴無道而仍書弒又如夷狄臣下
殺其君長且以弒書此必傳誤

又曰凡以毒弒者加進毒字而不地注曰霍顯又加使醫
字

今刊本但書曰大將軍光妻顯弒皇后許氏而不書使
醫進毒恐漏

又曰篡國隨事異文注曰封其故君則曰廢而不曰奉

今刊本唐昭宣帝天祐四年書梁王全忠稱皇帝奉唐
帝為濟陰王不書曰廢

巡行例曰凡正統巡行郡國曰帝如某官府第宅曰幸學

校曰臨曰視

今刊本唐高祖武德七年書帝詣國子學太宗貞觀十四年書詣國子監高宗調露元年永淳元年玄宗開元十年皆書幸東都僖宗中和元年書幸成都皆與凡例不同

封拜例曰凡官者封爵皆書官者字

今刊本唐玄宗開元元年以高力士為右監門將軍知內侍省事分注宦官之盛自此始而不書官者字

又曰凡殊禮皆書注曰王莽加號九錫之屬王莽是自為之以自為書

今刊本加安漢公莽號宰衡升宰衡諸侯王上加安漢公莽九錫並不書自愚按篡賊例注曰王莽董卓曹操等自其得政遷官建國皆依范史直以自為自立書之今董卓曹操司馬昭等遷官殊禮皆稱自惟王莽不書自蓋漏誤耳

征伐例曰僭名號曰稱注曰周列國稱王

今刊本周顯王三十五年書齊魏相王四十四年書秦初稱王四十六年書韓燕稱王注曰時諸侯皆稱王趙武靈王獨不肯令國人謂已曰君而赧王十七年下注趙惠文王元年則趙亦稱王矣然不書趙稱王疑漏也

又曰中國有主則夷狄曰入寇或曰寇某郡中國無主則但云入邊或云入某郡

今刊本漢明帝永平十六年書北匈奴大入雲中五季之間屢書契丹入寇

又曰凡正統用兵於臣子之僭叛者曰征曰討於夷狄若非其臣子者曰伐曰攻曰擊

今刊本漢高祖八年書擊韓王信餘寇十年書代相國陳豨反帝自將擊之十一年書淮南王布反帝自將擊之皆不書征討武帝元鼎六年書討西羌光武建武十七年書馬援討交趾明帝永平元年書祭彤討烏桓皆

不曰攻擊蓋互誤

廢黜例曰凡正統廢其后太子無罪者曰廢某人

今刊本唐高宗顯慶元年以太子忠為梁王不曰廢克寬按書肆所刊綱目如英布誤作黥布狄道誤作秋道劉裕至彭城戒嚴誤作解嚴之類未可悉舉今取其關於義例之切要者附放凡例之後庶幾初學受讀者可以無惑云

資治通鑑綱目考異凡例畢

資治通鑑綱目考證序

資治通鑑綱目子朱子所修之書也朱子祖春秋而修是書所以示天下後世不易之大法昭文竊嘗讀綱目而考凡例據凡例以證綱目今諸刊本所書之綱與所定凡例或多不合至如承統之帝或稱為主嗣君之號或加於前此皆有關乎君臣父子之教義理得失之大者也又若正統曰帝而有誤書王者無統曰主而有誤書帝者太子即位書名而或不書王公繼世書嗣而或書立漢初因秦正朔而或誤書夏時賢臣卒書官爵而或誤加謚號封爵除拜或不加貴屬或不加宦者無以

著其與政之禍弒君弒后或誤書殺或不書進毒無以
正其罪惡之實若臨視如幸征討攻擊誅斬弒殺殞
卒死凡此之類相因互誤者不能悉舉初朱子之修是
書也凡例既定晚年付門人訥齋趙氏接續成之今所
存語錄多面命之辭手書告戒至甚諄切其曰綱欲謹
嚴而無脫落日欲詳備而不煩冗豈訥齋屬筆之際尚
欠詳謹故有脫誤失朱子之本意初學受讀者不能無
疑也果齋李氏曰朱子蓋欲稍加更定而未暇烏兔齋
黃氏亦曰綱目近能成編每以未及修補為恨牧菴姚
氏序國統離合表僅得二誤其一則建安末年誤書延
康今刊本已正之矣新安汪氏考異多所究明惜其未
精也昭文僭不自揆輒本大賢之立言摭諸儒之同異
反覆訂定補漏正誤註於各提要之下間亦竊附已意
以明君臣父子之教夫婦適庶之別正統無統之名內
夏外夷之分外戚養子之禍女寵宦寺之權雖一得愚
見庶或有以推廣述作之本義名曰資治通鑑綱目考
證以俟君子正焉至正己亥中秋後學上虞徐昭文敬

序

資治通鑑綱目集覽正誤序

按資治通鑑全書二百九十四卷惟胡三省音註優於諸家第篇帙浩繁人不易致故學者多讀綱目王行卿集覽為綱目而作是以盛行於世惜其草率欠精繆戾為多如三家文若元表政君之類有誤初學非淺蚤歲閱習見有未當輒用他書考正無慮四百餘條閒有標舉而無註者闕其所不知固無足議亦為逐一考補久而成編至今三十年矣謂夫據前人之短非謹厚者所為藏諸中笥不以示人歷年既久重加修改義有所疑旁質同志索藁觀之時見與可力勸梓行亦不之許自

念少好史學頗嘗究心每見集覽於綱目不易曉處當
釋而不釋者尚多甚欲別為一書通載詳註而力衰目
昏不能著筆深為歿齒之恨猶慮一旦溘先朝露姑掇
舊藁大字淨書以遺兒輩習之非有隱於人楚齊失得
徒貽當世譏議云耳昔

永樂壬寅正月上日後學毘陵陳濟識于北京寓舍

資治通鑑綱目序

朱文公因司馬文正資治通鑑作綱目五十九卷大書
為綱分註為目其書則孔子作春秋之義以正人心植
世教有助於治道者也分註既詳而其言與事或出於
深僻有非淺陋所能遽通昔王行卿嘗著集覽以便學
者其意善矣然其間不無文選蹲鴟之陋亡友右春坊
贊善陳濟伯載為正其謬誤四百餘事名曰集覽正誤
伯載學博識端於此書致力勤而歷年多考據精切殆
無餘憾有助於綱目者也其書故藏于家近陪

太師英國公在史館間論及綱目書公益深歎集覽之

誤因出伯載所著公閱而是之曰宜廣其傳遂取梓行之嗟乎綱目有關治道之書也伯載此編誠不可無者太師公勲德大臣好賢重儒之有素而圖其不泯所存厚矣士君子有志尊

主庇民之道而欲稽古以擴充焉者是編豈小補之哉建陽尹盱江張光啓氏既以尹氏發明徐氏考證及集覽考異纂集於綱目書中而屬書林劉寬綉梓復請是編刊于卷末以備全美其用心亦勤矣予深嘉之故為序諸簡首

宣德四年歲次己卯五月甲子榮祿大夫少傅兵部尚

書無

華蓋殿大學士廬陵楊士奇序

資治通鑑綱目貨實序

按資治通鑑綱目一書迺考亭朱夫子之所纂修者也起自周末迄於唐季一以孔子所修之春秋為法凡千三百六十二年之事皆折衷之而合乎千萬世之公論矣近代以來古舒王氏為集覽以備其事固善心也但其間輿地郡邑之沿革多有缺畧事物典故之本原尤有遺漏觀者靡不憾焉愚因不揆謏庸乃於暇日將是書再四校勘逐一搜尋其典故遺漏處一以元儒所著五經笥之備載者隨篇而釋之其郡邑缺畧者一遵我朝所頒一統志之詳悉者依類而附之由是歷一紀易五

善

藁始克成篇名曰質實蓋欲有以證其實而使人尤便於觀覽也書成尤慮娘前雀後尋隙求疵故謹書數言于首以求四方廣見博聞之君子尚有以質實之何其幸哉 昔

成化元年春正月之吉旦建安木石山人馮智舒謹書

新刊資治通鑑綱目後序

經以載道史以紀事其述作之體自不同也然吾夫子之作春秋因魯史所載之事而以堯舜禹湯文武之道定其是非以垂萬世之鑑戒則其體固史而其道實與易書詩禮樂諸經並行而不悖焉子朱子因司馬文正公所輯資治通鑑而修綱目蓋倣吾夫子春秋之法也其事固因歷代之所紀載而所以定其是非以垂鑑戒者亦何莫而非堯舜禹湯文武之道乎讀史而不從事於斯則雖貫穿今古而無或遺則亦不免為玩物喪志其脩已治人之道亦奚補哉仲昭承乏提督江西學政

因為學者定讀書之法其於諸史則欲其熟觀綱目以
端其本顧書坊刻板歲久刊缺而其所附考證考異及
集覽正誤三編俱類刻於各卷之後殊不便於覽觀又
元儒廬陵劉友益所著書法一編甚有功於朱子提要
之旨建安馮智舒所集質實一帙尤有功於王氏輿地
之詳舊皆未嘗附載于篇也仲昭每欲重新繕寫而取
上五編之言各附入本條之下刻梓以詔學者第患其
工費頗夥非獨力所能辦耳一日以語同寅婺源汪君
從仁君慨然曰是書重刻於世道不為無補當相成之
遂募書人繕寫成帙請撫州儒士黎喆吳錡鄧傑等精
加校讐言以正訛繆復相與規措其工費方將登梓而君
以賀

聖壽入京仲昭亦以職務行部俱弗獲督其成遂付南昌
滑守浩張同守汝舟俾募工刻焉蓋經始於弘治癸丑
之春至是凡四閱歲而工告畢因識其顛末以見仲昭
及汪君所以重刻是書之意云弘治丙辰閏三月甲戌
後學莆陽黃仲昭書

一網目編集諸儒姓氏

尹氏

起莘宋遂昌人隱居不仕學問該洽嘗著資治通鑑綱目發明五十九卷行世

劉氏

友益宋末永新人宋亡卜築萬山間杜門讀書不與世接著通鑑綱目書法五十卷研精

覃思歷三十年而後成元揭傒斯稱之曰百世之下先生此心先生不作山高水深

汪氏

克寬元祁門人少穎敏力學元舉于鄉不第遂隱居教授鄰郡學者皆宗師之號環谷先

生所著有春秋纂疏綱目考異

王氏

幼學元望江人篤志力學嘗讀朱子通鑑綱目若其援引幽邃句讀疑難乃傳採經傳著

為綱目集覽以便學者

徐氏

昭文元上虞人自統志考證文云至正己亥中秋作考之大明一統志失其名氏姑闕之以

俟知者補云

陳氏

名濟永樂間武進人博學強記六經子史無不究竟時稱為兩脚書厨永樂初以布衣召

修水樂大典為總裁書成授右春坊右贊善所著有詩傳通證書傳補元史舉要通鑑綱

目集覽正誤思齋集等書

馮氏

智舒成化初建安人自序質實文乃成化元年春也考之大明一統誌未及採入姑闕之

謹按綱目編集諸家所著宋儒尹氏發明劉氏

書法二書最為謹嚴精當深能有得於朱子

之志者也元儒汪氏考異王氏集覽二書亦

為詳備誠有功於朱子之書者也然於徐氏

考證一書其自叙書文則云至正己亥中秋

所作考之大明一統誌則失其名氏而廬陵

楊文貞公叙文亦嘗及之其為裨補是書可

知已逮至我

國朝毘陵陳氏集覽正誤一書考據有理真集覽之

忠臣也徵之一統誌既已備載其事跡而楊

文貞公亦謂其有助於綱目者也又如馮氏

質實一書迺成化元年所著亦便學者觀覽

莆田未齋黃先生蓋亦有取焉第誌未及採

入而有俟云時

正德八年癸酉秋七月朔

欽差福建提督學校副使姚

委官福州府侯官縣儒

學署教諭事舉人海陽劉繼善宗一甫校正

謹識

資治通鑑綱目總目錄

第一卷

凡百四十八年

起戊寅周威烈王二十三年盡乙巳

周赧王五十九年

第二卷

凡五十二年

起丙午盡戊戌西楚霸王四年漢王

四年

第三卷

凡四十六年

起己亥漢高帝五年盡甲申漢文帝

後七年

第四卷

凡四十六年

起乙酉漢景帝元年盡庚午漢武帝元鼎六年

第五卷

凡四十九年

起辛未漢武帝元封元年盡己未漢宣帝元康四年

第六卷

凡四十一年

起庚申漢宣帝神爵元年盡庚子漢成帝陽朔四年

第七卷

凡二十二年

起辛丑漢成帝鴻嘉元年盡壬戌漢平帝元始二年

第八卷

凡二十四年

起癸亥漢平帝元始三年盡丙戌漢光武帝建武二年

第九卷

凡四十九年

起丁亥漢光武帝建武三年盡乙亥漢明帝永平十八年

第十卷

凡五十年

起丙子漢章帝建初元年盡乙丑漢

通鑑綱目卷之百

卷之百三十三

十一

安帝延光四年

第十一卷

凡四十一年

起丙寅漢順帝永建元年盡丙午漢

桓帝延熹九年

第十二卷

凡二十七年

起丁未漢桓帝永康元年盡癸酉漢

獻帝初平四年

第十三卷

凡十五年

起甲戌漢獻帝興平元年盡戊子漢

獻帝建安十三年

第十四卷

凡十九年

起己丑漢獻帝建安十四年盡丁未

漢後主建興五年

第十五卷

凡二十五年

起戊申漢後主建興六年盡壬申漢

後主延熙十五年

第十六卷

凡二十七年

起癸酉漢後主延熙十六年盡己亥

晉武帝咸寧五年

第十七卷

凡二十五年

起庚子晉武帝太康元年盡甲子晉
惠帝永興元年

第十八卷

凡十四年

起乙酉晉惠帝永興二年盡戊寅晉
元帝太興元年

第十九卷

凡十九年

起己卯晉元帝太興二年盡丁酉晉
成帝咸康三年

第二十卷

凡二十二年

起戊戌晉成帝咸康四年盡己未晉
穆帝升平二年

第二十一卷

凡二十五年

起庚申晉穆帝升平四年盡甲申晉
孝武帝太元九年

第二十二卷

凡十四年

起乙酉晉孝武帝太元十年盡戊戌
晉安帝隆安二年

第二十三卷

凡十二年

起己亥晉安帝隆安三年盡庚戌晉
安帝義熙六年

第二十四卷

凡十七年

起辛亥晉安帝義熙七年盡丁卯宋

文帝元嘉四年魏太武帝始光四年

第二十五卷

凡二十三年

起戊辰宋文帝元嘉五年魏太武帝

神嘉元年盡庚寅宋文帝元嘉二十

七年魏太武帝太平真君十一年

第二十六卷

凡十五年

起辛卯宋文帝元嘉二十八年魏太

武帝太平真君十二年盡乙巳宋明

帝泰始元年魏文成帝和平六年

第二十七卷

凡十八年

起丙午宋明帝泰始二年魏獻文帝

天安元年盡癸亥齊武帝永明元年

魏孝文帝太和七年

第二十八卷

凡十三年

起甲子齊武帝永明二年魏孝文帝

太和八年盡丙子齊高帝建武三年

魏孝文帝太和二十年

第二十九卷

凡八年

起丁丑齊明帝建武四年魏孝文帝
太和二十一年盡甲申梁武帝天監
三年魏宣武帝正始元年

第三十卷

凡二十一年

起乙酉梁武帝天監四年魏宣武帝
正始二年盡乙巳梁武帝普通六年
魏孝明帝孝昌元年

第三十一卷

凡七年

起丙午梁武帝普通七年魏孝明帝
孝昌二年盡壬子梁武帝中大通四

第三十二卷

凡十五年

年魏孝武帝永熙元年

起癸丑盡丁卯

第三十三卷

凡七年

起戊辰盡甲戌

第三十四卷

凡十七年

起乙亥盡辛卯

第三十五卷

凡十二年

起壬辰盡癸卯

第三十六卷

凡二十四年

起甲辰盡丁卯隋煬帝大業三年

第三十七卷

凡十年有奇

起戊辰隋煬帝大業四年盡戊寅七

月

第三十八卷

凡六年有奇

起戊寅隋恭帝皇泰元年八月唐高

祖武德元年八月盡甲申唐高祖武

德七年

第三十九卷

凡十六年

起乙酉唐高祖武德八年盡庚子唐

太宗貞觀十四年

第四十卷

凡二十一年

起辛丑唐太宗貞觀十五年盡辛酉

唐高宗龍朔元年

第四十一卷

凡三十五年

起壬戌唐高宗龍朔二年盡丙申唐

中宗嗣聖十三年

第四十二卷

凡十七年

起丁酉唐中宗嗣聖十四年盡癸丑

唐玄宗開元元年

通鑑綱目卷之四十二

第四十三卷

凡三十四年

起甲寅唐玄宗開元二年盡丁亥唐
玄宗天寶六載

第四十四卷

凡十一年

起戊子唐玄宗天寶七載盡戊戌唐
肅宗乾元元年

第四十五卷

凡二十年

起己亥唐肅宗乾元二年盡戊午唐
代宗大曆十三年

第四十六卷

凡五年有奇

起己未唐代宗大曆十四年盡甲子
唐德宗興元元年四月

第四十七卷

凡十六年有奇

起甲子唐德宗興元元年五月盡庚
辰唐德宗貞元十六年

第四十八卷

凡十八年

起辛巳唐德宗貞元十七年盡戊戌
唐憲宗元和十三年

第四十九卷

凡十九年

起己亥唐憲宗元和十四年盡丁巳

唐文宗開成二年

第五十卷

凡三十年

起戊午唐文宗開成二年盡丁亥唐

懿宗咸通八年

第五十一卷

凡十六年有奇

起戊子唐懿宗咸通九年盡甲辰唐

僖宗中和四年五月

第五十二卷

凡十二年有奇

起甲辰唐僖宗中和四年六月盡丙

辰唐昭宗乾寧三年

第五十三卷

凡十年

起丁巳唐昭宗乾寧四年盡丙寅唐

昭宣帝天祐三年

第五十四卷

凡十三年

起丁卯盡已卯

第五十五卷

凡七年

起庚辰盡丙戌

第五十六卷

凡十年

起丁亥盡丙申

第五十七卷

凡十年

起丁酉盡丙午

第五十八卷

凡五年

起丁未盡辛亥

第五十九卷

凡八年

起壬子盡巳未



